

**ZAPISNIK SA 42. SJEDNICE UO SAMOSTALNOG SINDIKATA RADNIKA U BHRT-u, KOJA JE
ODRŽANA U UTORAK 29.05.2018. GODINE**

Prisutni: D. Smital; E. Čengić; Dž. Kahrlica; G. Brkić; M. Grbo; M. Baručija; N. Arnautović; D. Miljević; N. Hodžić; M. K. Pašalić; M. Herac

Odsutni: O. Bukić; B. Hamzagić; E. Agić; E. Fočo; N. Žuga - **opravdano**
S. Topalić - **neopravdano**

Gost: J. Sogović

Dnevni red:

1. Zapisnik sa 41. sjednice
2. Aktuelna situacija u BHRT-u
3. Akti sindikata
 - Dostava akata Ministarstvu pravde BiH
4. Finansije (D. Karšić)
5. BSO - Adriatic
 - Produženje ugovora
6. Dodjela pomoći (G. Brkić, M. Grbo)
7. Razno
 - Reumal ugovor
 - Parking, izvještaj (M. Herac)

AD 1. D. Smital je u 12.36 sati na osnovu člana 35. Statuta Samostalnog sindikata radnika u BHRT-u, otvorio 42. sjednicu UO SSR u BHRT-u i predložio dnevni red koji je jednoglasno usvojen. Zapisnik sa 41. redovne sjednice je jednoglasno usvojen.

AD 2. D. Smital i E. Čengić su informisali UO da nije održan niti jedan sastanak sa generalnim direktorom u proteklom periodu. Dostavljen je zaključak sa prošle sjednice u vezi obračuna plata za praznik i do današnjeg dana nismo dobili odgovor.

Sindikata je uputio dopis menadžmentu da se u skladu sa izmjenama zakona o radu iz decembra 2017. godine uzmu u obzir dani novih godišnjih odmora pri izradi rješenja što je ispoštovano od strane menadžmenta.

D. Miljević je prezentovao UO Sindikata problem koji je imao Samir Neimarlija u ITC Tuzla sa prevozom na mjesto snimanja. Naime, zbog popravke vozila u ITC Tuzla, ekipe su ostale bez vozila i u ovom slučaju S. Neimarlija nije mogao izvršiti radni zadatak zbog nemogućnosti odlaska na mjesto događaja, a traženo je da ide pješke na snimanje od strane koordinatora centra. D. Miljević je tražio reakciju sindikata i zaštitu S. Neimarlije ukoliko to bude potrebno. Zbog ovakvog primjera koji su učestali u IT Centrima ali i u Sarajevu dogovoreno je da Dragan Miljević napiše prijedlog zaključka kojim će sindikat upozoriti na probleme sa kojima se trenutno susreću ekipe na terenu i da se taj prijedlog zaključka dostavi na glasanje UO putem e-maila u skladu sa članom 27. Poslovnika o radu UO. Ovaj prijedlog je jednoglasno usvojen.

U skladu sa zaključkom, D. Miljević je uz konsultaciju sa povjerenikom podružnice ITC-a A. Džidićem poslao predsjedniku UO D. Smitalu, prijedlog zaključka 31.05. Istog dana predsjednik UO je taj zaključak stavio na glasanje. Obzirom da je glasanje za zaključak bilo 1 ZA I 1 PROTIV, a ostali članovi UO nisu glasali, zaključak nije dobio potrebnu većinu glasova. Nakon toga D. Smital je obavio konsultacije sa kolegama iz ITC-a i rukovodstvom sindikata, te nakon obavljenih konsultacija i prikupljenih informacija 05.06. stavio na glasanje putem e-maila u skladu sa članom 27. Poslovnika o radu UO, slijedeći zaključak:

„UO SSR u BHRT-u će tražiti od menadžmenta sastanak sa kolegama iz ITC-a.

Sastanak će organizovati sindikat, a ispred UO bi prisustvovali: Smital, Kahrlica i Čengić.

Od kolega iz ITC-a bi bili pozvani koordinatori (iz Sektora RTV Produkcije i iz sektora BHT-a) iz IT centara Tuzla, Banjaluka i Zenica. Obzirom da kolege Džidić i Miljević obavljaju te funkcije, biće zastupljena i Podružnica ITC-a.

Od menadžmenta će se tražiti da sastanku prisustvuju generalni direktor, pomoćnica generalnog direktora za razvoj, direktor BHT-a i urednik IP-a BHT-a.

Tema sastanka će biti problemi sa kojima su se kolege u ovim IT Centrima susreli u prethodnom periodu i način prevazilaženja istih.“

Za zaključak je glasalo 10 članova UO, a saglasnost na zaključak je dao i Povjerenik podružnice ITC-a.

E.Čengić je istakao da je od B.Hamzagića koji nije mogao prisustvovati sjednici zbog snimanja dobio inicijativu za sastanak ekipe sa reportažnih kola sa generalnim direktorom i pomoćnicom za razvoj a u vezi aktuelnih problema sa kojima se susreću uposlenici na terenu.

J.Sogović je istakao da ljudi sa terena žele sastanak sa direktorom posredstvom sindikata obzirom da su njegovi članovi a ne kao neka neformalna grupa. Ovaj sastanak se traži prije velikog broja terena koji je planiran u narednom period. Nakon duže rasprave dogovoreno je da članovi sindikata koji su tražili sastanak dostave sindikatu svoj zahtjev u pisanoj formi i da ispred sindikata sastanku prisustvuje rukovodstvo sindikata, a da S.Topalić koja je odsutna, zamijeni G.Brkić. Ovaj prijedlog je jednoglasno usvojen.

AD 3. D.Smital je izvjestio UO Sindikata da je završena sva formalna procedura u vezi održavanja redovne skupštine sindikata i da je rješenje iz Ministarstva pravde BiH stiglo na našu adresu.

AD 4. Blagajnički izvještaj je primljen k znanju.

AD 5. D.Smital je informisao UO da je potpisan ugovor sa Adriatic osiguranjem. E. Čengić je izvjestio članove UO da je u mjesecu aprilu 9 članova sindikata koristilo usluge registracije vozila u Adriatic osiguranju.

AD 6. Komisija za dodjelu finansijske pomoći (G.Brkić, M.Grbo) predložila je da novčanu pomoć za mjesec maj dobiju sljedeći članovi; Adisa Dedić 200 KM (IV dio), Hajro Rožajac 300 KM (II dio), Danijel Lepir 300KM (I dio). Ukupno 800KM. Za rođenje djeteta Almedina Rizvanović dobija poklon bon DM-a 200KM. Prijedlog komisije je jednoglasno usvojen.

AD 7. E.Čengić i Dž.Kahrica su izvjestili UO sindikata o ponudi ugovora sa Reumalom u Fojnici koji za članove sindikata nudi dva paketa usluga sa mogućnošću plaćanja na rate i druga opcija je mogućnost plaćanja na licu mjesta za sve članove uz popust od 10%. Dž.Kahrica je napomenuo da su dva paketa usluga koji su ponuđeni zdravstveni odnosno drugi program je rehabilitacije. D.Smital je napomenuo da sindikat mora odrediti osobu koja će biti kontakt ispred sindikata sa Reumalom. Nakon kraće rasprave usvojen je jednoglasno prijedlog ugovora sa Reumalom iz Fojnice i za kontakt osobu imenovana je Mubera Herac.

-M.Herac je izvjestila sindikat o dobijanju nacrtu za parking prostor za uposlenike sa video nadzorom. Čekaju se ponude firmi za cijenu rampi sa video nadzorom. Dogovoreno je da M.Herac obavi razgovor sa Avdom Čustovićem šefom službe obezbjeđenja i sa dobijanjem konačne ponude da se dogovori sastanak sa generalnim direktorom u vezi problema parkinga koji uposlenici imaju.

42.sjednica je završena u 13.56. sati

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital